

Headline	700 ANGGOTA ATM BANTU PDRM		
MediaTitle	Utusan Borneo Sabah		
Date	03 Apr 2020	Color	Full Color
Section	General News	Circulation	11,223
Page No	1	Readership	33,669
Language	Malay	ArticleSize	309 cm ²
Journalist	VIVI OLVIANA NAJURUS	AdValue	RM 1,255
Frequency	Daily (EM)	PR Value	RM 3,764



700 ANGGOTA ATM BANTU PDRM

Oleh Vivi Olviana Najurus

KOTA KINABALU: Pasukan baharu Angkatan Tentera Malaysia (ATM) bagi membantu penugasan Polis Diraja Malaysia (PDRM) dalam menguatkuasakan arahan Perintah Kawalan Pergerakan (PKP) mula diaturngerak hari ini.

Panglima 5 Divisyen Mejar Jeneral Datuk Mohamad Khir Abdullah berkata, pasukan baharu itu akan menggantikan pasukan yang sudah bertugas sebelum ini sepanjang pelaksanaan arahan PKP di negara ini.

"Kita memberi bantuan sepenuhnya kepada PDRM dengan bersama-sama melaksanakan 40 sekatan jalan raya serta 17 rondaan keseluruhan di

● Pasukan baharu ATM untuk bantu PDRM digerakkan hari ini

Sabah dengan pembabit lebih 700 anggota ATM meliputi 45 Tentera Laut Diraja Malaysia (TLDM), 30 Tentera Udara Diraja Malaysia (TUDM) dan selebihnya adalah Tentera Darat Malaysia (TDM).

"Bermula jam 12 tengah hari ini kita akan melaksanakan pertukaran pertama pasukan baharu yang akan menjalankan penugasan selama dua minggu di kawasan masing-masing yang sudah ditetapkan.

"Kita juga menambah seramai 70 anggota daripada TLDM bagi membantu penugasan di Sandakan dan kita akan lihat sekiranya ada penambahan serta peng-

isytiharan lain, ATM akan sentiasa bersedia untuk diaturngerak seberapa banyak anggota yang diperlukan," katanya.

Dalam pada itu beliau berkata pihaknya akan menyalurkan apa sahaja jenis bantuan termasuk aset jika diperlukan sepanjang tempoh ini bagi bersama-sama memutuskan rangkaian COVID-19 di negara ini.

"Setakat ini kita belum mengaturngerak aset bagi tujuan penguatkuasaan dan hanya beberapa kenderaan iaitu lori tujuh serta lapan tan di keluarkan bagi membantu mengangkut barangan Peralatan Perlindungan Diri (PPE) yang dihantar ke sini dari



CENDERA KENANGAN: Mohamad Khir menyampaikan cendera kenangan kepada Shafie semasa melakukan kunjungan hormat di PPNS semalam.

China.

"Kita juga sudah mem-

injamkan kira-kira 100 unit katil medan kepada

pihak Hospital Queen Elizabeth (HQE) yang

diperlukan di Pusat Kuarantin COVID-19 baharu yang dibuka di kawasan Likas.

"Disebabkan kita juga menggunakan katil medan bagi tujuan operasi di beberapa daerah di negeri ini, maka kita hanya dapat menyalurkan setakat yang ada untuk keperluan itu," katanya.

Beliau berkata demikian semasa melakukan kunjungan hormat kepada Ketua Menteri Sabah Datuk Seri Panglima Mohd Shafie Apdal di Pusat Pentadbiran Negeri Sabah (PPNS) di sini semalam.

Mohamad Khir yang sudah bertugas selama 41 tahun dalam ATM akan menjalankan persaraan dan jawatan beliau akan diambil alih oleh Mejar Jeneral Datuk Muhammad Hafizuddean Jantan.